

Headline	Buang sisa punca sungai tercemar		
MediaTitle	Berita Harian		
Date	23 Dec 2014	Color	Black/white
Section	Nasional	Circulation	314,000
Page No	27	Readership	942,000
Language	Malay	ArticleSize	81 cm ²
Journalist	N/A	AdValue	RM 1,470
Frequency	Daily	PR Value	RM 4,411



Buang sisa punca sungai tercemar

Kuala Lumpur: Sikap masyarakat membuang sisa buangan ke dalam sungai dan longkang, dikenal pasti antara punca menyebabkan air sungai tercemar.

Pengerusi Eksekutif Puncak Niaga Holdings Berhad, Tan Sri Rozali Ismail, berkata masyarakat perlu sedar kepentingan sungai yang menjadi nadi penyaluran sumber air utama kepada penduduk di Selangor.

“Tahun ini saja, beberapa loji ditutup (sementara) kerana berlaku 15 kes pencemaran. Kita juga membelanjakan lebih RM5 juta untuk menyokong sepenuhnya program berkaitan pemuliharaan sungai,” katanya.

Beliau berkata demikian ketika berucap pada majlis perasmian Program Briged Penyelamat Sungai (BPS) River Fun Day di Institut Penyelidikan Perhutanan Malaysia (FRIM), Kepong, di sini, semalam.

Majlis itu dirasmikan oleh Pengerusi Jawatankuasa Tetap Infrastruktur dan Kemudahan Awam, Pemodenan, Pertanian dan Industri Asas Tani Selangor, Zaidy Abdul Talib.

Program berkonsepkan pembelajaran dan aktiviti riadah itu bertujuan memberi pendedahan kepada pelajar mengenai kepentingan memulihara sungai demi kelangsungan kitaran ekosistem yang sempurna kepada setiap hidupan.